


T 3

V
G133.76
T78

臟腑證治圖說人鏡經卷之四

腎膀胱圖



其精管自兩腎脊骨間發來繞大腸之右從溺管之下同出前陰而泄精

酉腎水主足少陰經申膀胱主足太陽經此二經爲表裏位處下焦其臟有二形如豇豆相並色紫黑而曲附於脊之十四椎兩傍脊筋間其外有脂裹肉色淡白主藏精水大約與前臍平故經云藏精下於腎是腎藏骨髓之氣也又云腎者主水受五臟六腑之精而藏之故五藏盛乃能泄又腰者腎之府轉搖不能腎將敗也經云腎者作強之官伎巧出焉

難經云腎有兩枚重一斤二兩主藏志又云腎藏精與志又云藏各有一耳腎獨有兩者何也然腎兩者非皆腎也左爲腎右爲命門命門者諸神精之所舍原氣之所繫也男子以藏精女子以繫胞故知腎有二也

腎有兩者以左爲腎右爲命門也男子於此而藏精受諸藏府之精而藏之女子於此而繫胞是得精而能施化胞則受胎之所也原氣謂臍下腎間動氣人之生命十二經之根本故言非皆腎也三十九難亦言左腎右命門而又言其氣與腎通其實一也故項氏家說引沙隨程氏曰北方常配二

物故惟坎加習於物爲龜爲蛇於方爲朔爲止爲

太玄爲岡爲冥

習重也朔北方岡音岡岡兩也冥昏也

腎色黑其臭腐其味鹹其聲呻其液唾

水旺於冬相於秋廢於春囚於夏死於季夏其王日
壬癸王時人定夜半困日丙丁出時禺中死日戊己
死時日昃

腎腧在十四椎旁募在京門腰間季脇

經云腎者主蟄封藏之本精之處也其華在髮其充
在骨爲陰中之少陰通於冬氣

北方黑色入通於腎開於二陰藏精於腎

二陰前陰後陰

腎氣通於耳耳和則知五音矣

雨氣通於腎

精氣并於腎則恐

腎惡燥

鹹走血血病無多食鹹

久立傷骨勞於腎也

久坐濕地強力入水則傷腎

損其腎者益其精

腎色黑欲如重漆色不欲如地倉又云黑如烏羽者

生如燄者死

燄音苔

腎熱病頤先赤

腎熱病者先暈痛脛痠苦渴數飲身熱熱爭則項痛

而強肝寒且痠足下熱不欲言其逆則項痛負負澹

澹然

負負謂似急也澹澹謂似欲不定也

戊己甚壬癸大汗氣逆則戊

己死刺足少陰太陽

腎氣虛則厥逆實則脹滿

腎著之病其人從腰以下冷腰重如帶五千錢

腎脹者腹滿引背央央然腰髀痛

腎水者腹大臍腫腰重痛不得溺陰下濕如牛鼻頭

汗其人足逆寒大便反堅

腎積名曰奔豚發於小腹上至心下

腎病者色黑氣弱吸吸少氣兩耳苦聾腰痛時時失

精食減膝以下清其脉沉遲爲可治宜補

邪在腎則骨痛陰痺陰痺者按之而不得腹脹腰痛

大便難肩背頸項強痛時眩取湧泉崑崙視有血者

盡取之

腎瘧者令人灑灑腰脊痛宛轉大便難目眴眴然手

足寒刺足太陽少陰

眴音絢目動也

肺移寒於腎爲涌水涌水者按腹不堅水氣客於大

腸疾行則鳴濯濯如囊裹漿治主於肺肺移熱於腎

傳爲柔瘕

瘕音次惡也

腎欬之狀欬則腰背相引而痛甚則欬涎

腎風之狀多汗惡風面龐然浮腫龐音茫豐厚貌脊痛不能

正立其色始隱曲不利診在肌上其色黑

腎痺者善脹尻以代踵脊以代頭此證如人垂首向地尋物貌

腎氣盛則夢腰脊兩解不相屬虛則夢見舟船溺人

厥氣客於腎則夢臨淵沒居水中

左尺腎膀胱脉所出沉而遲腎也沉實而稍疾膀胱也

腎脉沉而軟滑腎合骨腎脉循骨而行持脉指法按

在骨上而得者為沉次重以按之脉道無力而濡舉

指來疾流利者為滑

難經曰冬脉石

帝曰冬脉何如而營

脉沉而深如營動也滑氏曰營如營壘之營所屯

聚處也冬月萬物合藏故曰營

岐伯曰冬脉者腎也北方水也萬物之所以合藏也

故其氣來沉以搏故曰營反此者病曰何如而反曰

其氣來如彈石者此謂太過病在外其去如數者此

謂不及病在中曰冬脉太過與不及其病皆何如曰

太過則令人解休脊脉痛而少氣不欲言

解休者倦怠之極強不強弱不弱寒不寒熱不熱

解解休休不可名言之也

不及則令人心懸如病饑眇中清脊中痛小腹滿小

便變眇音蒸

眇季脇之下挾脊兩傍空軟處也腎外當眇故眇

中清冷也

脉來喘喘累累如鈎

喘喘累累也又疾息貌累累疊也增也

按之而堅曰

腎平

難經曰其來上天下兌濡滑如雀之喙曰平呂廣

云上大者足太陽下兌者足少陰陰陽得所為腎

氣強故曰平

冬以胃氣為本

脉來如引葛按之益堅曰腎病

脉來發如奪索辟辟如彈石曰腎死

辟辟急促也

脉至搏而絕如指彈石辟辟然色黑黃不澤毛折乃

死

腎脉搏堅而長其色黃而赤者當病折腰其栗而散

者當病少血至今不復也

冬腎脉欲沉而滑命門脉與腎同肝脉欲沉而弦心

脉欲沉而洪脾脉欲沉而緩肺脉欲沉而濇

難經曰假令得腎脉其外證面黑善恐欠其內證臍

下有動氣按之牢若痛其病逆氣小腹急痛泄如下

重足脛寒而逆有是者腎也無是者非也

足少陰氣絕卽骨枯少陰者冬脉也伏行而溫於骨髓故骨髓不溫卽肉不着骨骨肉不相親卽肉濡而却肉濡而却故齒長而枯髮無潤澤無潤澤者骨先死戊日篤己日死

膀胱者州都之官津液藏焉氣化則能出矣

膀胱重九兩二銖縱廣九寸盛溺九升九合居腎下之前太腸之側當臍上一寸水分穴之處小腸之下乃膀胱際也水液由此滲入焉

水泉不止者膀胱不藏也得守者生失守者死

甲乙經曰膀胱者橫也胱者廣也言其體橫廣而

短也

膀胱病者小腹偏腫而痛以手按之則欲小便而不得肩_上熱若脉陷足小指外側及脛踝後皆熱若脉陷者取委中

膀胱脹者小腹滿而氣癰

厥氣客於膀胱則夢遊行

膀胱有熱則淋閉膀胱不約爲遺溺

謂睡中遺尿也經云膀胱津液之府水注由之然足三焦脉實約下焦而不通足三焦脉虛不約下焦則遺溺也膀胱又名足三焦也

足少陰腎經



凡二十七穴左右兩行共五十四穴自至陰交與足心湧泉循膝腹上行至胸俞府穴止

足少陰之脉起於小指之下斜趣足心出然谷之下循內踝之後別入跟中上腠內出腠內廉

腠音號上足肚也

股內後廉貫脊屬腎絡膀胱其直者從腎上貫肝膈

入肺中循喉嚨挾舌本其支者從肺出絡心注

胸中

湧泉屈足捲指起腎經起處此其所然谷踝前大骨

下踝後跟上太谿府谿下五分尋大鍾水泉谿下一

寸許照海踝下陰踇生踝上二寸復溜名溜前筋骨

取交信亦曰踝上二寸行築賓六寸腠分處陰谷膝

內輔骨際橫骨有陷如仰月大赫氣穴四滿據中注

育俞正挾臍六穴一寸各相去商曲石關上陰都通

谷幽門一寸居幽門半寸挾巨闕步郎神封過靈墟
神藏或中入俞府各一寸六不差殊欲知俞府之位
分璇璣穴旁各二寸

足少陰腎經少血多氣

是動病則饑不欲食面黑如地色咳唾則有血喝喝
而喘坐而欲起目眈眈如無所見心如懸病饑狀氣
不足則善恐心惕惕如人將捕之是謂骨厥是主腎
所生病者口熱舌乾咽腫上氣嗑乾及痛煩心心痛
黃疸腸癰脊臀股內後廉痛痿厥嗜臥足下熱而痛
盛者寸口大再倍於人迎虛者寸口反小於人迎也

足太陽膀胱經

凡六十六穴左右兩分共一百三十二穴自聽宮交與睛明循頭頸下背腰臀腿至足小指至陰穴止



諸經絡左右手足兩分對待而行
惟膀胱經在脊兩旁連支別共四
路俱係背上至頭足仍合兩路

足太陽之脉起於目內眦睛上額交巔其支別者從

巔至耳上角其直行者從巔入絡腦還出別下項循

肩髃音上內挾脊抵腰中入循脊絡腎屬膀胱其支別

者從腰中下貫臀入腠中其支別者從髀內左右別

下貫腠音申挾脊內過髀音髀樞循髀外後廉下合腠中

以下貫腠內出外踝之後循京骨至小指外側端

足太陽兮膀胱經目眦內側始睛明眉頭陷中攢竹

名曲差寸半神庭畔五處挨排列上星承光五處後

寸半通天絡却亦相承玉枕橫挾於腦戶尺寸當准

銅人經天柱挾項後髮際大筋外廉陷中是挾脊相

去寸五分第一大杼二風門肺俞三椎厥陰四心俞

五椎之下論督俞膈俞相梯級第六第七次第立第

八椎下穴無名肝俞第九膽第十十一椎下脾俞舉

十二椎下胃俞取三焦腎俞氣海俞十三四五爲定

矩關元大腸俞安量十六十七椎兩旁十八椎下小

腸俞十九椎下尋膀胱中脊二十椎下是白環二十

一椎當上髎次髎中與下一空二空挾腰跨並同挾

脊四箇穴載在千金相連亞會陽陰尾傍八分分寸

須與督脉親第二椎下外附分挾脊相去古法云先

除脊骨量三寸不是灸狹能傷筋魄戶三椎膏肓四

八字後改上字

下字後改下字

四下五上胛骨裏第五椎下索神堂第六椎下尋譚
譚膈關第七魂門九陽剛意舍依此數胃倉育門屈
指談推看十二與十三志室次之爲十四胞育十九
合相叅秩邊二十椎下詳扶承臂下陰紋當殷門扶
承通六寸浮郄一寸上委陽委陽却與殷門並膈中
外廉兩筋鄉委中膝膈約文裏此下三寸尋合陽承
筋膈腸中尖是承山膈下分肉旁飛陽外踝上七寸
附陽踝上三寸量金門正在外踝下崑崙踝後跟骨
中僕叅跟骨下陷是申脉分明踝下容京骨外側大
骨下束骨本節後相通通谷本節前陷索至陰小指
外側逢

足太陽膀胱經多血少氣

是動病則衝頭痛目似脫項似拔脊痛腰似折髀不
可以曲膈如結膈如裂是爲踝厥是主筋

所生病者痔瘡狂顛疾頭顛頂痛目黃淚出鼽衄項
背腰尻膈膈脚皆痛小指不用盛者人迎大再倍於
寸口虛者人迎反小於寸口也

太陽司天寒淫所勝平以辛熱佐以甘苦以鹹瀉之
在泉寒淫於內治以甘熱佐以苦辛以鹹瀉之以辛
潤之以苦堅之

太陽之勝治以甘熱佐以辛酸以鹹瀉之
太陽之復治以鹹熱佐以甘辛以苦堅之
水位之主其瀉以鹹其補以苦

太陽之客以苦補之以鹹瀉之以苦堅之以辛潤之
開發腠理致津液通氣也

丙辛化水水運之音曰羽丙陽太羽辛陰少羽平運
正羽

北方屬水而生寒陽氣復陰氣政布而大行故寒生
也太虛澄淨黑氣浮空天色黯然高空之寒氣也若
氣似散麻本末皆黑微微見之此川澤之寒氣也太
虛清白空猶雪暎遐邇一色山谷之寒氣也太虛白
昏火明不翳如霧雨氣遠近肅然北望色玄凝雰夜
落此水氣所生寒之化也太虛凝陰白埃昏翳天地
一色遠視不明此寒濕凝結雪將至也地裂水冰河
渠乾涸枯澤淨鹹水歛土堅是土勝水水不得自清
是水所生寒之用也

水運太過流衍之紀其政寒肅心火受邪民病身熱
煩心躁悸陰厥上下中寒譫妄心痛寒氣早至上應
辰星

水運不及涸流之紀其政寒雨風水衰濕行長氣反

金經 四卷
用其化乃速暑雨數至民病腹滿身重濡泄寒瘍流水腰股痛發臃腫股膝不便煩冤足痿清厥脚下痛甚則肘腫上應辰星

水運平氣靜順之紀藏而勿害治而善下五化咸整其氣明其性下其用沃行其化凝堅其類水其政流演其候凝肅其令寒其藏腎其畏濕其主二陰其穀苳其果栗其菜藿其蟲鱗其畜彘其色黑其養骨髓其病厥其物濡

太陽寒水主終之氣自小雪後至六十日有奇天度至此寒氣大行

太陽司天寒淫所勝寒氣大至水且冰血變於中發爲癰瘍民病厥心痛嘔血血泄鼈衄喜悲時眩仆若乘火運而炎烈雨暴乃雹胃脅滿陽氣內鬱是歲病集於心胸之中手熱肘攣腋腫心澹澹然大動胸脇胃脘不安面赤目黃善噫噓乾甚則色炁渴而欲飲水勝火氣內鬱故渴也病本於心

太陽在泉寒淫所勝則凝肅慘烈民病少腹控臍引腰脊上衝心痛血見噓乾頷腫邪在小腸

足少陰太陽引經藥歌

酉腎猪膚猪茯苓牡丹澤瀉桂阿丁山吳茱萸砂烏

藥敗醬天冬牡蠣停鼓桔味玄并獨智檀甘地骨或砂行下行知附地榆木右腎沉芪益附稱

申膀胱澤滑茵陳桂猪茯苓麻槲葛親行下大黃并木澤藁薤防己槲同因

腎膀胱補瀉藥方法

腎膀胱水味苦補鹹瀉氣寒補熱瀉

腎苦燥急食辛以潤之腎欲堅急食苦以堅之以苦補之以鹹瀉之

腎氣虛則苦燥燥則不潤辛性津潤能開發腠理通氣故急食辛以潤之腎水病受制於土堅則不受土制而水自充故欲堅苦性堅急食以堅之苦

益腎故用苦補之鹹更堅逆腎性故以鹹瀉之

腎苦燥急食辛以潤之知母黃槲

腎欲堅急食苦以堅之知母

以苦補之黃槲

腎虛以熟地黃黃槲補之腎無實不可瀉故無瀉

腎之藥錢氏止有地黃丸無瀉腎之藥虛則補其

母肺為腎母以五味子補肺

腎主寒自病則足脛寒而逆人之五藏惟腎無實小

兒痘瘡變黑陷是腎水尅退心火多不治也

心乘腎微邪內熱不惡寒桂枝丸

肺乘腎虛邪喘嗽皮澁而寒百部丸

肝乘腎實邪拘急氣搖身寒理中丸

脾乘腎賊邪體重泄瀉身寒理中丸

五行之間惟腎之一臟母盛而子反受邪是物之性

有不可一槩論者肺腎是也何則肺屬金應乎皮毛

所主者氣腎屬水主乎骨髓所藏者精氣之輕浮能

上而不能下精之沉重能下而不能上此物性之自

然今肺盛乃熱作也氣得熱而上蒸則肺不能下生

於腎則腎受邪矣急以涼藥解之使藏氣溫和自能

下生於腎此腎病必先求之於肺若肺和而腎忽受

病不過脾濕相刑所以有解肺熱去脾邪二藥若脾

肺俱和而腎自病亦當察其本臟虛實而治之

通肺散治肺氣盛痞膈中焦不能下生腎乏生氣而

生疾故腎感邪先看肺脉大盛是也

麻黃

去節

杏仁

去皮尖

桔梗

紫苑

牡丹皮

前胡

柴胡

蘇子

枳殼

去穢

右爲末每服二錢水一盞薑三片煎七八分溫服

治脾藏濕邪所勝刑腎方

厚朴

製

陳皮

甘草

川芎

肉豆蔻

麵煨

扶苓 吳茱萸 羌活 防風 各等分

右爲末每服二錢水一盞煎八分溫服

地黃丸一名補腎丸治脉虛而微

熟地黃 八錢 焙乾 山茱萸 去核 山藥 各四錢 澤瀉

茯苓 牡丹皮 各三錢

爲末煉蜜丸如梧桐子大熟水下

本方熟地改生地去茱萸名平腎丸治左尺脉洪而

實

三才封髓丹降心火益腎水

天門冬 熟地黃 人參 各五錢 黃蘗 三兩

甘草 炙七錢半 縮砂 一兩五錢

右爲末水發丸梧子大每服五十丸用肉蓯蓉五錢

作片酒浸一宿煎三五沸去渣食前送下

腎氣丸卽地黃丸加五味蓋益肺源以生腎水也

八味丸卽地黃丸加泡附二錢桂心二錢

離珠丹治右腎陽虛右尺脉虛微

杜仲 薑汁炒去絲二兩 草薢 二兩 訶子 炮五枚 龍骨 白者一兩

破故紙 炮三兩 巴戟 酒浸去心二兩 胡桃肉 一百枚 去皮 硃砂 一兩半

縮砂 五錢

右爲末酒糊爲丸如梧桐子大硃砂爲衣每服一

九空心溫酒或鹽湯下

天真丹

沉香 巴戟 畢撥酒浸焙乾 茴香鹽炒 胡蘆巴

破故紙 杜仲各一兩 琥珀六錢 官桂五錢

黑丑鹽炒八錢

右爲末酒糊爲丸如梧桐子大每服五十丸食前酒下

鳳髓丹治右腎陽實右尺脉洪實

黃蘗二兩 縮砂 甘草各一兩

右爲末水發丸如梧桐子大每服五十丸鹽湯下

治腎熱小便黃赤不利每欲小便則莖頭痛方

榆白皮切 冬葵子各一升 車前葉二升 滑石八兩

條芩 通草 瞿麥各三兩 石韋四兩

右咬咀以水二斗先煮車前草取一斗澄取九升下

諸藥煮三升半分五服食前溫服

治腎氣虛寒陰痿腰脊痛身重溺出混濁陽氣暴絕

肉蓯蓉 巴戟 麥門冬去心 茯苓 甘草

牛膝 白朮 五味 杜仲各一兩 生地十兩

乾薑 車前各七錢

右爲末煉蜜爲丸食前溫酒下六十丸